

大乘同性經卷上

亦名一切佛心之經

方

周宇文氏天竺三藏闍那耶舍譯

如是我聞一時婆伽婆住在大摩羅耶精妙山頂摩訶園林華池沿邊大持呪神所居止處人不能行取得道者所居之處共大比丘千二百五十人俱一切皆是摩訶聲聞所作已辦已過一切凡夫之地其名曰尊者阿若憍陳如尊者阿說示尊者摩訶迦葉尊者舍利弗尊者摩訶目犍連與如是等諸大聲聞復有菩薩摩訶薩衆皆大菩薩悉得一切菩薩三昧陀羅尼行一切已住諸菩薩地其名曰聖者彌勒菩薩摩訶薩大意菩薩摩訶薩蓋意菩薩摩訶薩堅意菩薩摩訶薩定意菩薩摩訶薩無盡意菩薩摩訶薩無邊意菩薩摩訶薩海意菩薩摩訶薩正定意菩薩摩訶薩淨意菩薩摩訶薩智意菩薩摩訶薩如是等一切各各佛刹已得受記為阿耨多羅三藐三菩提轉法輪故復有取上寂勝天龍夜叉捷闍婆阿修羅迦

樓羅緊那羅摩睺羅伽并持呪神及非人等種種形容天冠衣服執持器杖并諸幢蓋及諸鬼神仙人衆等皆來集坐為欲聽法

爾時世尊衆如大海前後圍繞有所說法初中後善其義深遠其語巧妙具足廣說清淨梵行爾時楞伽大城之中有羅刹王名毗毗沙那治化於彼時毗毗沙那楞伽王聞佛今住大摩羅耶精妙山頂摩訶園林華池沿邊大持呪神所居之處人不能行取得道處與千二百五十比丘現說梵行時毗毗沙那楞伽王即生念言如來名字世間希有如優曇華於無數時乃一得聞何況值佛我於是中無量無數時不得聞法猶如盲龜過浮木孔是中諸佛及以佛法入佛境界證佛道者如是之事倍復寂難我若質持多諸珍寶及真珠貫无量香華末香塗香華冠衣服寶幢幡蓋并及繒束音樂歌讚與我眷屬往詣佛所到佛所已以此種種供養之具供養如來欲問正法報我一生

時毗毗沙那楞伽王普皆宣告諸羅刹衆汝等可共同心和合捉持豐足勝妙金銀摩尼寶珠珂玉琉璃珊瑚馬瑙真珠瓔珞并赤真珠種種精妙無量香華作諸音樂及以歌讚頌向佛所如來法王三界最勝无上福聚具足衆相一切智見無上福田我等向彼持此供具以用供養所以者何於無數時值佛出世得見佛難離八難難聞三寶難作此念已爾時毗毗沙那楞伽王於其衆中說偈告言
無量無數時佛乃現世間欲離於八難復經無量世百千億劫中希逢於世尊
譬如優曇華無數時乃出地獄與畜生
最苦餓鬼道往來於六趣展轉如車輪
今此衆生類雜諸八難厄利益衆生故
故出世間燈智日光所照能破無明盲
相隨至彼處供養无上尊教天人世中
供養獲大果
爾時毗毗沙那楞伽王說此偈已佛神力故於虛空中放百千億那由他大光明網遍照楞伽大城照已毗毗沙那及一切羅刹衆皆悉踊躍爾時

同法經卷上 第四頌 方

彼大光明焰中演出甚深法相之偈
 諸法本寂空无我 衆生初中後巨得
 辭如虛幻夢泡焰 霧電水沫旋火輪
 世諦緣法悉非真 無明愛根世間現
 真觀无愛及无明 諸法如空淨叵說
 尔時毗毗沙那楞伽王聞彼光明網
 中演出如是法相偈已即得甚深無
 我法忍彼羅刹衆中或得忍忍或有
 發於菩提心者或有發願忍忍有實
 見者時毗毗沙那楞伽王於佛法中
 明了無疑既著菩提堅鉅已復發
 此願而說偈言
 天人及與阿修羅 一切梵王上天衆
 如此無上寂妙法 彼等未曾得覺見
 我應未來得斯法 具足一切无尋智
 此世界中成佛道 度脫無量億衆生
 演說諸佛微妙法 取勝无漏八聖道
 令我所作無邊智 三十二相莊嚴身
 若有精勤行善行 及佛功德行滿足
 利益衆生脫怖畏 持諸功德滅有塵
 面如日月淨光明 於三界中得作佛
 尔時毗毗沙那楞伽王於阿耨多羅
 三藐三菩提得不退轉即隨其意應

同法經卷上 第五頌 方

念出生種種精妙華香塗香末香華
 冠衣服寶幢幡盖摩尼繒束真珠瓔
 珞作諸伎樂擊掌歌讚妙聲遍滿讚
 歎如來功德相好持如是等諸供養
 具與其眷屬於虛空中如轉王行來
 向佛所至佛所已從空而下時毗毗
 沙那楞伽王與眷屬俱向佛合掌接
 世尊足頂礼百遍礼拜訖已遠佛三
 币乃至千币時毗毗沙那楞伽王即
 於佛所五體投地如斫樹倒復說此
 言南無无量功德莊嚴最上法身師
 子丈夫三界取勝世尊釋迦牟尼至
 真等正覺出此語已即起合掌於世
 尊前說偈讚歎
 昔世億生轉精事 難行苦行求菩提
 布施飲食及衣乘 億數七珠與乞者
 不思議劫无悔恡 捨國聚落及目民
 王宮莊嚴寶豐滿 億劫難捨皆能捨
 昔名王子須大掣 於山林中施妻子
 前捨自身救產虎 割其身肉濟窮餓
 批眼施盲婆羅門 於彼生中無恚恨
 施頭為求菩提因 心於索者常歡喜
 為護戒品長清淨 不犯聖行順无為

同法經卷上 第六頌 方

不斷生命盜他物 常順梵行世無妬
 離於飲酒不妄語 謹諸衆生如已身
 昔不兩舌諸惡言 亦无瞋恚說綺語
 世尊離邪常調順 於前衆生無惱觸
 功德如意離邪見 供養三寶无壞心
 出家無垢除五欲 依順佛戒解脫行
 前行忍辱受諸苦 誹謗毀譽及因責
 往昔所受諸苦痛 為衆生故无恨心
 若在佛邊起殺惱 於彼慈心視如子
 佛生於世常修忍 解脫億數苦衆生
 如來往昔求道時 作大仙人名曰忍
 彼所生中被割截 忍痛於王無害心
 為彼國王及夫人 演說白法令歡喜
 不思億劫常精進 解怠邪意狹劣除
 昔諸苦行皆能忍 廣大精進覺菩提
 經行不睡亦无之 尊重供養無量佛
 衆生所須常隨順 重修成佛无上法
 昔行禪定為伏心 已善四禪無色定
 三昧念五神通力 往昔行滿无漏禪
 如來智慧滿無漏 知法如幻悉虛假
 无我衆生命及人 煩惱網纏因業轉
 欲界不淨四種惑 衆生煩惱界本淨
 既知實淨衆生本 得具六種波羅蜜

誰能說此智方便同性經卷上 第七方 勤求無盡佛福聚
發勝三業向如來 來世得佛我頂禮
尔時毗毗沙那楞伽王說此偈已復
以无量種種寂妙及以香華末香塗
香華冠衣服寶幢幡蓋音樂歌誦讚
歎如來尊重恭敬具足承事供養於
佛并諸聲聞大菩薩眾彼羅刹眾亦
復如是如法發起供養如來稱可佛
意尔時毗毗沙那楞伽王供養訖已
白佛言世尊我今有疑欲問如來至
真等正覺唯願世尊為我開解說此
語已佛告楞伽王言楞伽王吾常開
汝問佛所疑隨汝意樂當為解說今
心歡喜時楞伽王得開許已白佛言
世尊眾主眾主者世尊以何義故名
為眾主佛言楞伽王眾主眾主者眾
緣和合名曰眾主所謂地水火風空
識名色六入因緣生又眾主者猶如束
竹綠葉故報綠葉得果我人眾主壽
命畜養眾數知者見者作者觸者受
者是名眾主毗毗沙那楞伽王言世
尊彼眾主者以何為本依何而住以
何為因佛言楞伽王此眾主者无明

為本依愛而住以業為因毗毗沙那
楞伽王言世尊業有幾種佛言業有
三種何等為三身口意業復有三相
淨不淨非淨非不淨時毗毗沙那楞
伽王復白佛言世尊云何眾主捨此
壽命受彼壽命捨此故身受彼新身
佛言楞伽王眾主捨此身已業風力
吹移識將去自所造業而受其果若
善及不善非善非不善眾主如此造
業行者即於彼處而受新身或受卵
生或受濕生或受胎生或受化生皆
是一切業風所造而業亦不自知所
造各自受報楞伽王眾主如是捨此
身命受彼新身楞伽王言世尊眾主
捨此身命未受彼身於其中間識停
何處佛言楞伽王於汝意云何田中
種子至生牙時為當子先滅已然後
牙生為當其牙先生然後子滅為當
唯子滅時其牙即生毗毗沙那王言
不也世尊佛言楞伽王是義云何楞
伽王言世尊其子若滅其牙即生非
先子滅然後牙生非先生牙然後子
滅佛言如是楞伽王非識先滅後識

方生楞伽王亦非先生前識後識方
滅楞伽王唯後識滅前識即生楞伽
王如步屈垂先安頭足次後足隨其
形屈申間無斷絕如是如是楞伽王
此之神識見前有中生處了已識即
令移託就於彼間无斷絕毗毗沙那
楞伽王言世尊若如是者無中陰耶
佛言楞伽王一種眾主卵生是也捨
此身已入於卵中而是神識業風所
捉停住卵中昏鈍不覺及至覆成識
方覺了當知彼卵已為熟也何以故
卵生眾主法如是故未成熟時不覺
不了所以者何為業力故楞伽王復
有眾主福力純厚得於轉輪王家作
子而彼在胎不為胎汗亦不與胎不
淨共住亦不汗涂楞伽王其轉輪王
所生子者多受化生設受胎者初入
胎中結子已成及生出後破膜出身
楞伽王是因緣故說有中陰時毗毗
沙那楞伽王言世尊眾主神識為當
幾大為作何色佛言楞伽王眾主神
識無邊大无色無相不可見无尋無
形无定處不可說毗毗沙那言世尊

同性經卷上 第十張 方

言

識相如此無有邊大无色無相不可見无尋無形无定處不可說者豈非斷絕佛言楞伽王吾今問汝隨汝意答當為汝說楞伽王辭如大王在宮殿中或高樓上美女圍遶安樂坐時著種種衣及諸瓔珞時大園林阿輸歌樹種種雜華莊嚴精麗其園在處有細軟風或大駛風吹彼園林阿輸歌樹象華香氣至王所者王聞之不毗毗沙那白言世尊我聞此香佛言楞伽王汝聞此香分別知不王言世尊我能得知佛言楞伽王此華香氣王言知者見大小耶定作何色楞伽王言不也世尊何以故此香氣相無色无現無尋无相無定處不可說是故不見大小形色佛言楞伽王於意去何若不見彼香氣大小非斷絕相耶毗毗沙那言不也世尊何以故若此眾香是斷相者無人得聞佛言如是如是楞伽王識相亦尔應如是見楞伽王若識斷相則无生死而可得知如是楞伽王識相清淨唯是無明貪受習氣業等諸客煩惱之所覆障

同性經卷上 第十張 方

言

楞伽王辭如清淨虛空之界唯有四種客塵汙染何等為四所謂烟雲塵霧楞伽王識相如是本清淨故无邊不可捉無有色染唯是諸客煩惱之所覆染所以者何楞伽王若正觀時不得眾生无我無眾生无壽命無畜養无人無眾生數无知者無見者无覺者無受者无聽者乃至無色受想行識等楞伽王若正觀时无有分別而可得者楞伽王諸法和合無有實相汝雖得是眾生實相亦莫捨此生有曠野去何名得眾生實相所謂得彼大智同性尔時世尊而說偈言
 眾生業力自迴轉 不得八聖取上道
 若離諸業證无漏 行無上行利眾生
 時毗毗沙那言世尊有无量恒河沙等眾生於此三界稠林有海到彼岸者復欲到者有證聲聞法者有證緣覺法者亦有若干已證無上大智同性者於未來世亦有无量無邊不可數阿僧祇過是數恒河沙等眾生乘此三乘各各別乘得入涅槃而眾生界無增无減如是世尊我知如是心

同性經卷上 第十張 方

言

生厭憊佛言楞伽王汝莫於此生厭憊想所以者何諸眾生界前後不可盡故虛空界法界亦尔是故楞伽王諸眾生界不可言說以是得知不增不減如是三界稠林有為海中已得度者當欲度者而眾生界亦不增減楞伽王辭如虛空界不增不減無前无後亦無中間是故虛空不可得知遍一切處无尋無憂无作無想如是如是楞伽王非眾生界有初中後求之可得楞伽王唯有已得聖法同性是名盡於眾生界耳而有為道不盡不滅楞伽王亦不離彼有解脫道何以故是眾生界法如此故是故無初无中無後
 毗毗沙那復問佛言世尊眾生有為行海相貌何似佛言楞伽王眾生有為行海猶如大海復問佛言世尊諸佛之法復似何等佛言楞伽王諸佛之法猶如船舶復問佛言世尊出家比丘受具戒法復似何等佛言楞伽王出家比丘受具戒法以治生人乘於船舶復問佛言世尊如世尊說依

佛戒法具足奉行無毀破者復似何等佛言持戒精進受法知足似治生人乘堅牢船成就具足楞伽王有能如佛所說戒法不破不犯具足行者亦復如是復問佛言世尊善知識者復似何等佛言楞伽王善知識者猶如船師復問佛言世尊勤行八聖道復似何等佛言楞伽王勤行八聖道者似正疾風吹於船舶毗毗沙那復問佛言世尊禪定三昧及諸神通復似何等佛言楞伽王神通三昧猶如寶國毗毗沙那復問佛言世尊七菩提分復似何等佛言楞伽王七菩提分猶如七種寶性復問佛言世尊得七菩提分證大乘同性者復似何等佛言楞伽王得七菩提分證大乘同性者譬如值得七種寶性巨富賄賂稱意滿足善哉善哉出家者於我法中證於無尋无上佛果尔時世尊復說偈言

觀察諸有苦自苦衆生苦亦捨諸有縛
我法中出家即名為佛子衆中取大德
勤苦如法行當得為世尊

尔時毗毗沙那復問佛言世尊若有衆生於佛法中得出家已不能持戒或有犯戒或有破戒犯欲行者或有脫於法服捨戒還俗世尊如是癡人譬如何等佛言楞伽王若有衆生於我法中得出家已受於戒法作諸毀犯是癡人輩多墮惡道如治生人在大海中船舶破壞沒命於水毗毗沙那言世尊若有破戒犯戒犯欲行者復說我行精進梵行復有捐棄法服捨戒還俗彼一種人命終亡已或生好處彼似何等佛言如治生人於大海中船舶破壞沒溺水中或有得船板者或有得死屍者或有自力浮者楞伽王是治生人得船板者因風力吹得至洲島捉死屍者海波所推漸到彼岸何以故大海之法不宿死屍若其自力能浮得度隨意所至此是海神慈悲濟彼如是如是楞伽王若我法中得出家者不能依戒如法護持若捨戒法著於俗服得生善慶者或因我邊得正信者或復內淨或雖破戒恒有慈行或有精進是故楞伽

王雖是破戒及還俗者還因我法得生善慶尔時世尊而說偈言

往昔已作多罪業 無邊千億世生中
發露懺悔更不造 滅无增長故清淨
時毗毗沙那復問佛言世尊凡有幾種助菩提法佛言楞伽王有三十七品助菩提法何者名為三十七品所謂四念處四正勤四如意足五根五力七覺分及八聖道楞伽王是名三十七品助菩提法復問佛言世尊解脫門者為有幾許佛言楞伽王有三解脫門何者為三所謂空無相无願復問佛言世尊須念何法佛言念歇滅入涅槃復問佛言世尊諸對治法凡有幾許佛言楞伽王摠而言之三種對治何者為三謂貪欲心者不淨觀瞋恚心者慈悲觀愚癡心者因緣觀是名三種對治之法復問佛言世尊幾許巧能應須念持佛言楞伽王須念持者巧知陰巧知界巧知入巧知方便復問佛言世尊須作何觀佛言楞伽王須觀甚深十二因緣及四聖諦因果證等尔時毗毗沙那楞伽

王復更圍遶世尊三匝以諸雜色七寶之華散於佛上散已右膝著地合掌向佛驚歎如來而說偈言

去何菩薩諸聖行 生精進意利世間
施戒忍辱及精進 發最上意為菩提
求彼无漏智慧時 攝化多億諸眾生
眾寶莊嚴無濁垢 精妙剎中得成佛
尔時世尊告毗沙那楞伽王言善哉善哉楞伽王汝能諮問如來此事諦聽諦聽善思念之當為解說楞伽王菩薩摩訶薩常須行六波羅蜜於一切眾生邊不生惡心楞伽王菩薩行如是法時不減不少於諸佛法常得增長亦不染著世間之法攝受教化无量眾生亦能清淨如來剎土復能具得大智同性於佛法中無障无碍尔時毗沙那楞伽王白佛言世尊云何修行云何得住阿耨多羅三藐三菩提佛言放捨憍慢貢高嫉妬常行四種清淨梵行歡喜普為一切眾生恒行正真須捨殺盜妄言綺語兩舌惡口飲酒婬嫉莫使動志菩提之心意樂勤行六波羅蜜所作恒為

安樂眾生於有為中心常寂靜欲度有海多諸怖畏汝當正觀三界眾生令得度脫

復次楞伽王汝若欲求菩提之者須如是知言菩提者但有名字言語謂菩提耳何以故楞伽王无有是菩提無根是菩提无住是菩提無垢是菩提无塵是菩提無我是菩提不可捉是菩提无色是菩提無形是菩提无此是菩提無彼是菩提无憂是菩提無惱是菩提无者是菩提無染是菩提无邊是菩提無為是菩提无濁是菩提已過一切根是菩提除一切憶想念是菩提已過一切有行是菩提无底是菩提難知是菩提甚深是菩提無字是菩提无相是菩提寂靜是菩提清淨是菩提無上是菩提无譬喻是菩提無求是菩提无斷是菩提不壞是菩提無破是菩提无思惟是菩提無物是菩提无為是菩提無見是菩提无字是菩提無明是菩提无流注是菩提常住是菩提虚空是菩提無等等是菩提不可說是菩提楞伽

王欲求菩提者若不求法是求菩提何以故楞伽王若無有著得證阿耨多羅三藐三菩提又无我相眾生相命相人相畜養相眾數相作相受相知相見相乃可得證阿耨多羅三藐三菩提若不得世諦相者不執著法不執著陰界乃至不執著諸佛菩薩乃可得證阿耨多羅三藐三菩提何以故楞伽王無所執著即是菩提若不執著物若不執著常若不執著斷者於未來世證成菩提所以者何楞伽王一切諸法後際滅故

時毗沙那楞伽王復白佛言世尊云何得知一切世諦法耶佛言楞伽王知一切世諦法如幻如化如夢如焰如水中月如乳闍婆城一切世諦法應如是知如是覺如是觀尔時毗沙那楞伽王即得菩薩三昧名无等等法光明智相得陀羅尼名一切巧音得如是等無量无边諸三昧陀羅尼已時毗沙那楞伽王即白佛言世尊我今得此三昧陀羅尼已覺知一切世諦之法佛言楞伽王云何

覺知毗毗沙那言世尊一切世諦之法如夢如幻如響聲等如山水駛如水中月如風吹空華如秋雲起如珠光明如燈焰火如華上露如捷闌婆城如水上泡如虹如焰世尊我已覺知世諦諸法現皆无常尔時世尊即放頂上百千億那由他種種妙色光明所謂青黃赤白紅紫頗梨及金等色普照无量無邊阿僧祇諸佛刹土既遍照已還入頂上尔時尊者大目捷連即從座起偏袒右肩右膝著地合掌向佛說偈問言

佛上妙德非無因 開放清淨光明網
今意精妙覺發誰 放百光網願佛說
佛告目捷連言汝見此毗毗沙那楞伽王在於我前合掌正立以此廣大供養之具用供養我及聲聞眾諸菩薩眾因此功德發阿耨多羅三藐三菩提心不自捷連言世尊我見世尊我見佛言目捷連是毗毗沙那楞伽王從我已去乃至當欲供養承事百千億那由他諸佛過是已後彼身功德奉力具足有世界名蓮華城彼有

世尊号蓮華功德相震聲威王如來阿羅呵三藐三佛隨現在彼住遊行說法彼佛如來壽命无量世界清淨此毗毗沙那楞伽王化生彼刹生彼中已即得菩薩歡喜之地如是乃至得菩薩十地過無量劫數已於後生此娑婆世界當得成佛号曰善妙震聲金威善淨光明現功德寶蓋莊嚴頂相毗盧遮那王如來應供正遍知明行足善逝世間解无上士調御丈夫天人師佛世尊是寂後生彼世界者名電寶冠除諸山坵坑坎崖坂土石糞穢無有女身及惡道等而彼佛刹清淨勝彼現在阿彌陀如來佛刹諸菩薩眾充滿彼國劫名善觀明彼佛如來壽命無量目捷連是故如來至真等正覺微笑時毗毗沙那楞伽王得受阿耨多羅三藐三菩提記時以為法故歡喜踊躍遍體戰慄飛上虛空高七多羅樹於虛空中說此偈言一切諸法空如夢 清淨非有同虛空我及無我悉皆无 我知如化如電光眾生有中自生滅 諦求一法不可得

初中後等无所有 畜養眾生命亦然 眾生隨業得果報 有中展轉不休息 若行如此菩提行 得知諸法體皆空 尔時毗毗沙那楞伽王說是偈已從空中下達佛三而達三而三已蒙佛威神却坐一面時海眾中或有天龍阿修羅等證法得果者或有夜叉羅刹發菩提心者或有緊那羅摩睺羅伽於諸佛法得无疑者或有迦樓羅龍闍婆及呪神等得陀羅尼證法得果於一切法得不退轉者即時大地震動自然光明遍滿佛刹乃至大小鐵圍山間普皆明照一切惡道諸苦悉除上虛空中雨諸天華響擊天鼓叫嘯等聲并諸衣服空中舒卷自然顯現如是種種不思議事時毗毗沙那楞伽王觀其自眾如是告言汝等一切相與和合來向世尊生恭敬心發於阿耨多羅三藐三菩提心時彼無量百千羅刹相與和合同佛合掌白言世尊我等聚集相與和合從今已去歸依於佛及以法僧發菩提心世尊我等從今已去行大乘行如來證

知世尊我等於未來世在此娑婆剎同性經卷上 第三張 方中得成正覺定斷惡業為无上尊為一切眾生作利益故佛言善哉善哉汝等若能發菩提心者汝等當行四種善法凡善行者行此四法得不忘彼菩提之心何等為四一者所有願行不違不失二者於諸眾生常行慈心三者一日三時供養三寶晝夜不絕四者不願聲聞辟支佛果此為汝等四法具足不忘失彼菩提之心

余時海龍王從坐而起偏袒右肩右膝著地向佛合掌白佛世尊毗沙那楞伽王往昔造何善根乃能如是廣供養具供養於佛及無數聲聞菩薩眾等供養訖已發菩提心發菩提心已證不退轉得受阿耨多羅三藐三菩提記作是語已佛告海龍王言龍王往昔過無量阿僧祇劫數時彼有佛号大悲所生智相幢如來至真等正覺應供正遍知明行足善逝世間解无上士調御丈夫天人師佛世尊而彼如來亦還生此娑婆世界五濁世中而彼如來至真等正覺於眾

生中演說分別三乘之法龍王時彼如來亦還住此摩羅耶山頂上與五百比丘大聲聞眾無量天龍及非人等眾中說法龍王時有羅刹童子名毗沙歌亦還住此楞伽大城形貌雄猛大膽巨力其性犍惡面目鄙醜唯食肉血口牙可畏龍王時彼毗沙歌羅刹童子聞佛世尊住摩羅耶山頂上即作是念我不欲此沙門及比丘眾在摩羅耶山頂上居住何以故若彼沙門住在摩羅耶山頂上者我不能攝大海雜類亦无眾生可殺害者我今住此則恒飢餓龍王時彼毗沙歌羅刹童子即告其眾諸羅刹言汝等有大力者宜可速來著堅牢甲各執刁杵提弩斧戟弓箭鋒楯并金剛杵鬪輪梨等嚴持如是種種器杖何以故我今應當駭彼沙門及沙門眾去我境界令其捨離我所住處龍王時毗沙歌羅刹童子帶好堅甲及羅刹眾各持種種別色器杖飛行虛空向彼大悲所生智相幢如來往至彼已住在虛空與其徒眾語

世尊言去去沙門我不用汝住此山頂莫復令我殺汝沙門及汝眾等龍王同性經卷上 第三張 方余時大悲所生智相幢如來即現神通現神通已時毗沙歌羅刹童子及其徒眾各見自身被五繫縛又見十方鐵網羅布欲走無路憊然定住龍王時毗沙歌羅刹童子及羅刹眾心驚惶怖即生是念我等今者欲何處去求歸命誰向誰求救誰脫我等難龍王今時彼佛眾中有呪神王名正定深滿功德威與彼毗沙歌羅刹童子宿作善友在彼世尊眾中集坐龍王今時正定深滿功德威持呪神王語毗沙歌羅刹童子言善友諸佛世尊教化人天所得无量諸功德法三界獨尊眾生中寶有大悲行汝善友及羅刹眾此可歸依及以法僧汝等歸依三寶發菩提心一切繫縛即得解脫說是語已龍王今時正定深滿功德威持呪神王教化力故及佛神力即時毗沙歌羅刹童子及羅刹眾俱共合掌出如是言南无無邊功德莊嚴身者南无取上大悲

同性經卷上 第五張 方
覺者我等與汝今日已去歸依於佛

及以法僧我等恒行婦依三寶發阿
釋多羅三藐三菩提心龍王時毗毗
沙歌羅刹童子及一切羅刹衆出此
言已一切繫縛即得解脫從虛空來
向大悲所生智相幢王如來至彼世
尊三市圍遶時毗毗沙歌羅刹童子
及羅刹衆一切俱時頂禮佛足於彼
如來乞求懺悔乞懺悔已各還本處
龍王於汝意云何汝今當知是時世
中毗毗沙歌羅刹童子者豈異人乎
今毗毗沙那楞伽王是也時彼世中
羅刹衆者更非別衆今毗毗沙那楞
伽王羅刹衆者是也龍王於汝意云
何時彼世中正定深滿功德威持呪
神王者亦非別人即是海妙深持自
在智通菩薩摩訶薩是也作是語已
此三千大千世界即時震動猶如舩
舶在大海中隨波動搖衆生類中無
見驚怖及以害者唯得一切安隱快
樂一切衆生持十善行時此娑婆佛
刹除去高山須弥大海國土聚落山
林海島黑山龕窟稠林園池河泉陂

同性經卷上 第六張 方
澤丘陵坳坎崖隴石壁沙鹵棘刺泥

糞臭穢可惡除閻浮檀金大光普照
此三千大千世界所有一切大小鐵
圍山中一切諸闇一切光明及以日
月所不照處彼明遍照隱蔽日月况
餘光明一切諸影是時不現滅除一
切地獄畜生餓鬼等苦即時此娑婆
世界諸天人等若有苦惱一切皆得
安隱受樂若有衆生飢者得食渴者
得飲裸者得衣貧者得寶盲者見色
聾者聞聲啞者能語六根殘缺悉得
具足閉在牢獄普皆解脫

大乘同性經卷上

癸卯歲高麗國大藏都監奉
勅彫造

大乘同性經卷上

校勘記

- 一 底本，麗藏本。
- 一 三八九頁上一行經名首字「大」，
經、清作「佛說大」，卷下同。
- 一 三八九頁上一行夾注「亦名一切
佛行入智毘盧遮那藏說經」，
南、清無。
- 一 三八九頁上二行譯者，
清作「宇文周三藏闍那耶舍共僧
安譯」，卷下同。
- 一 三九〇頁上一行第一〇字「鉞」，
南、清作「甲」。
- 一 三九〇頁中一五行第五字「轉」，
南、清作「專」。
- 一 三九〇頁下三行第七字「言」，
清作「口」。
- 一 三九一頁上一五行第三至四字及
一六行第九至一〇字「衆生」，
南、清無。
- 一 三九一頁上一五行「世尊」，
清無。

一 三九一頁中一二行末字「所」，**磧**、

南、**徑**、**清**作「而」。

一 三九一頁中末行第一〇字「識」，

磧、**南**、**清**作「前識」。

一 三九一頁下一行「前識後識」，**磧**、

南、**徑**、**清**作「後識前識」。

一 三九一頁下二行「後識滅前識即

生」，**磧**、**南**、**徑**、**清**作「前識滅後識

即生」。

一 三九一頁下二一行第二字「大」，

徑作「入」。

一 三九一頁下二一行第九字「楞」，

徑作「輪」。

一 三九二頁上八行第七字「駛」，**磧**、

南、**徑**、**清**作「駛」，下同。

一 三九二頁中七行第六字「生」，**磧**、

南、**徑**、**清**無。

一 三九二頁下六行第一二字「不」，

磧、**南**、**清**作「無」。

一 三九二頁下九行第八字「憂」，**磧**、

南、**徑**、**清**作「形」。

一 三九二頁下九行第一二字「想」，

磧、**南**、**徑**、**清**作「相」。

一 三九二頁下一三行第二字「滅」，

磧、**南**、**徑**作「滅」。

一 三九三頁上二行第八字「受」，**磧**、

南、**徑**、**清**作「愛」。

一 三九三頁上三行第五字「船」，**磧**、

南、**徑**、**清**作「船」。

一 三九三頁下一〇行第三字「品」，

磧、**南**、**徑**、**清**無。

一 三九四頁上三行第四字「驚」，**磧**、

南、**清**作「敬」。

一 三九四頁上七行「濁垢」，**磧**、**南**、

徑、**清**作「垢濁」。

一 三九四頁上一一行第七字「常」，

清作「當」。

一 三九四頁上一六行第五字「智」，

磧、**南**、**徑**、**清**作「乘」。

一 三九四頁中一二行第七字「爲」，

南、**清**作「僞」。

一 三九五頁上四行「焰火」，**磧**、**南**、

清作「火焰」。

一 三九五頁上七行首字「放」，**磧**、**南**

作「於」。

一 三九五頁上末行第六字「有」，**磧**、

南、**清**作「今有」。

一 三九六頁上一二行第九字「佛」，

磧、**南**、**徑**、**清**作「言」。

一 三九六頁中六行第四字「腦」，**磧**、

南、**清**作「腹」。

一 三九六頁中六行第九字「鞞」，**磧**、

南、**清**作「硬」。

一 三九六頁中一六行第六字「杵」，

磧、**南**、**清**作「杖」。

一 三九六頁下六行第一一字「憐」，

南、**清**作「憐」。

一 三九六頁下一〇行第二字「難」，

磧、**南**、**徑**、**清**無。

一 三九七頁中二行第六字「除」，**磧**、

南、**徑**、**清**作「悉除」。

一 三九七頁中末行經名卷次，**徑**無；

首字「大」，**清**作「佛說大」。

大乘同性經卷下

方

周宇文氏天生三藏闡那合譯

是時雜類衆生無有貪欲瞋恚愚癡
 慳妬等心各各唯有善心慈心安樂
 之心猶如父母兄弟姊妹當於是時
 一切衆生得如是等心行安樂歡喜
 踊躍遍滿諸根无復寒熱及以憂愁
 如是一切衆生樂心具足不聞高聲
 及諸大聲復此大地平正如掌琉璃
 所成化出種種深廣妙池七寶為砌
 金沙布底八功德水清淨盈滿彼諸
 池中自然化出無量蓮華大如車輪
 彼諸妙華有七寶色開敷微妙其葉
 柔軟或復化出无量蓮華廣一由旬
 雜色精妙香氣柔軟如迦陵伽衣又
 復化出百千億那由他多諸種種蓮
 華莊嚴或復化出無量蓮華廣二由
 旬或三四五乃至一十二三十四
 十五十及百由旬或復化出無量蓮
 華廣千由旬是時娑婆佛刹雨大香
 雨灑散於地彼水香氣柔軟微妙能
 令衆生歡喜踊躍諸微妙風吹彼種

同性經卷下 第三張 方

種天妙華雨自然墮落所謂曼陀羅
 華摩訶曼陀羅華曼珠沙華摩訶曼
 珠沙華月華大月華意華大意華雨
 如是等廣大諸華復有勝妙諸末香
 雨復有沉水香多伽羅香黑沉水香
 牛頭栴檀此等香烟如是出現處處
 遍滿又復出生過无量百千億那由
 他阿僧祇數大如意樹七寶所成縱
 廣高下或一由旬乃至百由旬取勝
 端嚴悉皆樂見其諸寶樹以種種寶
 衣服繒綵白拂垂毘鈴網莊嚴彼諸
 寶樹雨於種種精妙七寶所謂金銀
 琉璃摩尼真珠車渠馬瑙赤真珠貫
 如是等雨又諸寶樹雨種種柔軟雜
 色衣服所謂歌奢衣俱奢衣憍奢耶
 衣歌尸歌衣如是等雨又諸寶樹雨
 諸瓔珞以閻浮檀金所作成就種種
 雜寶間錯微妙所謂錄釧耳璫天冠
 辟印珠繩寶瓔金鏤瓔珞如是等雨
 又彼諸寶如意樹下出生百千億那
 由他師子之座各以種種七寶所成
 彼師子座高於七刃菩薩坐上三十
 二相莊嚴其身容貌端嚴衆所憐見

同性經卷下 第三張 方

其身内外自然明徹彼一切諸菩薩
 前出生百千億那由他獨各七寶成
 彼諸榻上各千天子而坐其上奏五
 音樂并出歌歎其聲精妙能令聞者
 心意喜躍其音聲中出諸歌讚說是
 偈言
 平等无等等我所志皆無具功德莊嚴
 一切世希有精進諸苦行此法如是生
 微妙莊嚴事故現一切世能除地獄等
 此法如是生微妙事莊嚴故現一切世
 能除地獄等所有生道苦及諸有等苦
 是時皆得滅除彼塵垢穢諸人等癡垢
 善勝微妙事故現諸人中今者無邊刹
 是時皆平廣大山及諸河湏弥海悉无
 以琉璃為地清淨平如掌諸寶雜色樹
 精妙普樂見刹中復有此嚴淨焰光明
 金色諸精妙翳障於日月多種雜寶座
 有諸菩薩坐威光如百日照衆相莊嚴身
 无量諸池邊周匝摩尼寶八分功德水
 清淨盈滿中百千種蓮花莊嚴陂池裏
 廣大如車輪展轉倍於前復有堅牢座
 一切寶所成百千億千天天衆志端嚴
 奏諸微妙音讚歎及歌詠如來神力故

出此眾妙聲

同性經卷下 第四張方

辛

出如是等音樂歌詠事相偈法有過無量無邊阿僧祇法句今時世尊集會之中所有諸天及以人等有大乘行者樂大乘者信廣大意者因此無邊光明力故見彼一切佛刹如是功德莊嚴清淨其中天人所有行聲聞辟支佛行者不見不知佛刹功德莊嚴清淨其諸菩薩摩訶薩等在此刹中悉得無量無邊阿僧祇三昧陀羅尼神通法句復有諸大聲聞得入一切寂滅三昧今時有師子座縱廣正等高百億由旬自然而現七寶所成天衣敷上時有如來身大無邊現於座上加趺而坐其身相好端嚴無辭顯現具足有大蓮花縱廣正等高八万四千由旬七寶所作出現佛前有無量百千億那由他蓮花莊嚴圍遶開敷柔軟精妙端嚴復有過無量阿僧祇數幢幡懸蓋種種雜寶間錯而成於虛空中懸無量無邊真珠等寶及諸繒絲復懸無量無邊寶鈴羅網有如是等功德莊嚴於此佛刹自然顯

現如是不可說無量無邊阿僧祇未

同性經卷下 第五張方

辛

曾有此事於此娑婆佛刹中現又不可說不可量不可數大莊嚴神通之力昔所未見本未曾聞於此娑婆世界中現如是等取大取勝希有之法今時弥勒菩薩摩訶薩即發此念何因何緣此佛刹中顯現希有不可思議大莊嚴事神通之力令眾踊躍我當問佛至真等正覺破此疑心今時弥勒菩薩摩訶薩從座而起偏袒右肩以其右膝置蓮華上向佛合掌而白佛言世尊我今有疑欲問如來願開疑網佛告弥勒如來至真等正覺常開汝問若有疑惑當為解說今時弥勒菩薩摩訶薩蒙佛許已白佛言世尊是誰因緣有此事相於此娑婆佛刹顯現如是希有奇特踊躍之法所謂現神通力一切功德莊嚴佛刹勝淨嚴飾明徹無垢一切惡心悉已除滅乃至不可稱說无有窮盡未曾聞見世尊此菩薩眾見如是等神通為法世間顯現一切疑惑世尊欲為何事今時弥勒菩薩摩訶薩說偈

問佛

同性經卷下 第六張方

辛

世間希有今是何顯現如是大世尊驚恠未曾有斯法今於此事生疑惑震動大地并巨海或有安住淨世界開敷清淨金光網除滅世間一切闇蓮花百千無有邊復有雜花妙寶樹億數幢蓋及繒幡并真珠寶鈴網等無量種福慧光明滅除一切惡道苦世尊何事現此相妙淨娑婆佛刹中說此語已佛告弥勒菩薩摩訶薩言汝可復生吾當為汝分別解說何因何緣大希有法世間現者弥勒東方過阿僧祇恒河沙等佛刹彼有佛刹名清淨光輪切德莊嚴寶縷界前彼佛刹有佛名開敷精妙具莊嚴神通法界輪一盖吼聲毗盧遮那藏安自在王如來至真等正覺現在遊行演說法要世界清淨除滅慳貪瞋癡一切煩惱諸惡道等彼佛刹中十住菩薩摩訶薩之所居住彼佛刹中有菩薩摩訶薩名海妙深持自在智通得一切菩薩禪定三昧神通陀羅尼取為第一持一切寶莊嚴殿與過無邊

數諸菩薩摩訶薩從虛空中欲來至此娑婆佛刹是善丈夫威神力故於此世界作大莊嚴神通自在先現是事尔時世尊說此事已海妙深持自在智通菩薩摩訶薩及其徒眾即時現大威德光輪莊嚴之中有無量億光明羅網具足圍遶虛空中行作百千種音樂歌詠部別各各雨眾天花復放百千億那由他光明來至於此娑婆佛刹即以寶莊嚴殿安置欲色三界空中既安置已與其徒眾從空中下至於佛所合掌向佛接足頂礼圍繞三匝尔時海妙深持自在智通菩薩摩訶薩與其徒眾合掌恭敬白佛言世尊唯願如來憐愍我等納受坐此寶莊嚴殿世尊於此寶莊嚴殿為大菩薩眾說無等等深妙之法尔時世尊告海妙深持自在智通菩薩摩訶薩言善哉善哉善丈夫汝今以此寶莊嚴殿奉施如來至真等正覺善丈夫汝於此賢劫中毗婆尸佛已來乃至賢劫千佛以此一切寶莊嚴殿過去亦施現在亦施未來亦施善哉

丈夫乃能以此大寶莊嚴殿飾此中娑婆佛刹
尔時海龍王白佛言世尊寶莊嚴殿今在何處復若大小尔時世尊告龍王言龍王彼寶莊嚴殿置在欲色二界空中縱廣三千大千世界龍王彼寶莊嚴殿一切諸佛菩薩神通三昧力故出彼寶殿一切菩薩安樂之處堪以供養奉獻如來龍王得彼寶殿佛所居處又是如來福力故生能令菩薩心得清淨復能照明十方世界使諸眾生意歡喜隱翳一切諸天宮殿不可說無邊莊嚴之事成就具足普告十方一切菩薩皆令覺知龍王彼寶莊嚴殿白琉璃為上閻浮檀金為壁功德藏寶以為女牆馬瑙藏寶以為却敵摩尼寶藏以為欄楯淨光明寶以為欄柱普光明寶以為其輦一切眾寶以為其座一切雜寶如半月形光明無邊以覆殿上八万四千億那由他柱雜色端嚴眾寶所成精妙具足取勝供養稱可如來龍王其彼寶殿懸諸雜寶無量無邊真珠

繒綵金鈴羅網立正妙幢懸諸幡盖牛頭栴檀以塗其地燒堅栴檀及以沉水取上妙香以之為栴龍珠寶華間錯莊嚴以種種華遍散其地龍王彼寶莊嚴殿一切所有諸殿柱上無數千億諸天子坐作天五音最妙歌讚出聲踊躍諸法明門從音樂出龍王彼寶莊嚴殿周匝輪迴大風所持有千億七寶妙池金沙為底八功德水清淨盈滿一池中無數百千億那由他蓮華開敷七寶填飾妙色端正正是諸蓮華大如車輪龍王彼寶莊嚴殿有寶樹園周匝圍遶有如意樹種種雜寶花果莊嚴懸諸鈴網及真珠貫繒綵細疊以為莊飾出微妙香令心踊躍種種寶塔妙色端正以為莊嚴龍王一樹下各有七寶師子之座天迦尸迦衣以為敷具彼師子座高廣微妙成就具足稱可一切諸佛菩薩龍王十方所有一切諸佛刹所有瓔珞莊嚴及諸花雨一切現彼寶莊嚴殿龍王彼寶莊嚴殿如是等大及以安住尔時世尊告菩薩眾言

同性經卷下 第十張 方

翠

諸善丈夫為滿海妙深持自在智通菩薩摩訶薩願故汝等隨我向於寶莊嚴殿彼處俱坐尔時世尊從座而起與不可數諸菩薩摩訶薩前後圍遶時海妙深持自在智通菩薩在於右邊弥勒菩薩在於左邊於虛空中安庠而去向寶莊嚴殿至彼處已尔時世尊與菩薩眾入彼寶莊嚴殿中東面有師子座高無數由自縱廣正等是時世尊即坐其上世尊坐於師子座時彼寶莊嚴殿六種震動出百千億那由他无量種種大光明網所謂青黃赤白紅紫金色彼諸天子作天音樂及以歌讚雨天天花然諸天香恒不斷絕尔時世尊告菩薩眾言諸善丈夫汝等各各敷蓮華座而坐其上世尊勅已彼菩薩眾各就蓮華座上而坐佛及菩薩摩訶薩眾皆悉坐已時海妙深持自在智通菩薩摩訶薩作是思惟我於今者供養如来至真等正覺無復諮請問於佛地時海妙深持自在智通菩薩摩訶薩即從坐起隨意所生種種无量無邊

同性經卷下 第十張 方

翠

阿僧祇花香塗香末香花冠衣服幢幡寶蓋音樂歌歎供養世尊及菩薩眾恭敬尊重承事供養生希有心供養訖已又復出此勝供養具所謂寶真珠貫牛頭栴檀七寶為花以大寶珠名師子無尋寶藏清淨明徹以手執持供養世尊及菩薩眾為供養故散於如来遍覆其上散已礼世尊足遶百千帀向佛合掌以偈讚曰
顯現無量妙相身 平正端嚴无闕少
螺髻孔雀烏蜂色 額平悅澤而廣開
毫相圓開如妙花 雙眉形似初生月
鼻高隆直妙無辭 眼如日照青蓮色
耳埴妙如芭蕉莖 齒齊如白拘勿頭
舌廣紅色得勝味 脣厚圓滿赤朱色
妙肩洪滿現無闕 垂臂如風吹娑羅
爪甲長妙赤銅色 手指縵網如鵝王
足下千輻妙輪相 皆由往昔大施主
功德勝形師子臆 體相莊嚴妙端正
腰如弓弛金剛杵 陰相不現如馬藏
脛脰圓滿如為鼻 脚腓端正而平滿
拍掌輪相鵝王網 進止徐庠師子步
如来具此一切相 是故頂礼功德王

同性經卷下 第十張 方

翠

尔時海妙深持自在智通菩薩摩訶薩讚歎訖已復白佛言世尊我今有疑欲問如来至真等正覺若佛世尊開我疑問乃敢請說作是語已佛告海妙深持自在智通菩薩摩訶薩言善丈夫今若有疑恣汝樂問吾當為汝分別解說令心歡喜尔時海妙深持自在智通菩薩摩訶薩及聲聞辟支佛所不能行作是語已佛告海妙深持自在智通菩薩摩訶薩言善哉善哉善丈夫汝今欲令一切菩薩能作明了利益安樂顯現佛智乃能問於如来此事汝善丈夫諦聽諦受善思念之吾當為汝分別解說善丈夫佛有十地一切菩薩及聲聞辟支佛等所不能行何者為十一名甚深難知廣明智德地二名清淨身分威嚴不思議明德地三名善明月幢寶相海藏地四名精妙金光功德神通智德地五名火輪威藏明德地六名虛空內清淨无垢焰光開相地七名廣勝法界藏明界地八名寂淨普覺智

同性經卷下 第十三張 方
藏能淨无垢遍無導智通地九名无
邊億在嚴迴向能照明地十名毗盧
遮那智海藏地善丈夫此地是如來
十地名号諸佛智慧不可具說善丈
夫佛初地者一切微細習氣除故復
一切法得自在故第二地者轉法輪
故說深法故第三地者說諸聲聞戒
故又復顯說三乘故第四地者說八
万四千法門故又復降伏四種魔故
第五地者如法降伏諸外道故又復
降伏傲慢及眾數故第六地者教示
無量眾生六通中故又復顯現六種
大神通故謂現无邊清淨佛刹功德
莊嚴顯現無邊菩薩大衆圍遶顯現
无邊廣大佛刹顯現无邊佛刹自體
顯現無邊諸佛刹中從兜率天下託
胎乃至法滅示現无邊種種神通第
七地者為諸菩薩如實說七菩提分
無所有故復无所著故第八地者受
一切菩薩阿耨多羅三藐三菩提四
種記故第九地者為諸菩薩現善方
便故第十地者為諸菩薩說一切諸
法無所有故復告令知一切諸法本

同性經卷下 第十四張 方
來寂滅大涅槃故世尊說此如來十
地名已即時此娑婆佛刹乃至十方
不可說諸佛刹等一切現大十八種
相所謂地動中動大動小搖中搖及
以大搖小震中震及以大震小聲中
聲及以大聲小吼中吼及以大吼小
踊中踊及以大踊是諸佛刹或東傾
西起西傾東起或南傾北起北傾南
起或中沒邊起邊沒中起一切佛刹
如是旋轉現十二相其中無一眾生
有惱害者放大勝光照諸佛刹滅除
一切世間諸闇普得光明所有一切
諸佛刹土皆悉於此佛刹中現或佛
刹中有佛無佛若成若壞亦皆於此
佛刹中現彼諸佛刹雨天華遍滿
十方不可說不可說諸佛刹中所謂
曼陀羅花摩訶曼陀羅花曼珠沙花
摩訶曼珠沙花盧遮花摩訶盧遮花
月華大月華盖月華等乃至一切刹
中所有音樂不鼓自鳴大希有事皆
悉出現諸佛刹中彼諸佛刹所有侍
者悉從坐起各問如來諸希有事時
彼諸如來為其廣說解所疑問

同性經卷下 第十五張 方
尔時此寶莊嚴殿中海妙深持自在
智通菩薩摩訶薩及諸菩薩集坐眾
等咸悉驚恠奇哉奇異何因何緣世
尊說此佛深境界如來所行甚深難
知微密難見一切菩薩非所行處况
諸聲聞及辟支佛何以故我等未曾
得聞如此如來十地不可思議諸佛
境界我等為此善事和合相隨請於
如來至真等正覺廣說佛地諸菩薩
摩訶薩各從坐起合掌向佛說偈請言
寂勝无上尊 此間無等說一切佛諸地
向者已說名我等今驚恠未曾聞此法
聞諸地名已心意俱踊躍如飢思美食
渴者念甘泉 如是我欲聞願佛說諸地
說此語已彼諸菩薩速佛三币礼世
尊足各各在於蓮華座坐尔時世尊
如師子王安庠願視觀察十方觀十
方已告海妙深持自在智通菩薩摩
訶薩言善丈夫如來諸地甚深難知
不可得底難可覺了出過一切文辭
言說何以故善丈夫聲聞辟支佛等
諸地尚不可說何況菩薩諸地一切
如來佛地名也時海妙深持菩薩白

佛言世尊同性經卷下 第十六張 方聲聞諸地為有幾多佛言善丈夫聲聞之地凡有十種何等為十一者受三歸地二者信地三者信法地四者內凡夫地五者學信戒地六者八人地七者須陀洹地八者斯陀舍地九者阿那含地十者阿羅漢地善丈夫是名十種聲聞之地海妙深持菩薩復問佛言世尊辟支佛地復有幾許佛言善丈夫辟支佛地有其十種何等為十一者昔行具足地二者自覺甚深十二因緣地三者覺了四聖諦地四者甚深利智地五者八聖道地六者覺了法界虛空界眾生界地七者證寂滅地八者六通地九者微秘密地十者習氣漸薄地善丈夫是名十種辟支佛地海妙深持菩薩復問佛言世尊諸菩薩地復有幾種佛言善丈夫菩薩諸地有其十種何者為十一者歡喜地二者離垢地三者明地四者焰慧地五者難勝地六者現前地七者遠行地八者不動地九者善慧地十者法雲地善丈夫是名菩薩十種諸地海妙深持菩薩

復問佛言世尊一切自地從何處生佛言善丈夫一切自地從佛地生海妙深持菩薩復問佛言世尊解脫解脫彼此何異佛言善丈夫河水海水彼此異不海妙深持菩薩言世尊河水海水廣狹有異佛言如是如是善丈夫聲聞辟支佛解脫如彼河水如來解脫如大海水海妙深持菩薩復問佛言世尊諸大小河流入海不佛言如是如是善丈夫如汝所說何以故所有聲聞法辟支佛法菩薩法諸佛法如是一切諸法皆悉流入毗盧遮那智藏大海海妙深持菩薩復問言世尊唯願世尊現初佛地住彼初地顯現一切如來境界及諸聲聞辟支佛等歡喜踊躍

爾時世尊現自佛刹名無邊阿僧祇功德諸寶具蓋不思議莊嚴佛刹王縱廣百千億那由他恒河沙數三千大千世界微塵等諸佛刹是時諸佛刹入無邊阿僧祇功德諸寶具蓋不思議莊嚴佛刹中皆同一名所有小須彌中須彌大須彌一切黑山及小河中河大河及諸大海諸山林谷槃石峯崖糞穢沙鹵險惡之處悉皆除滅無有地獄畜生餓鬼等道及天龍夜叉捷闍婆阿修羅迦樓羅緊那羅摩睺羅伽人非人等亦悉除滅無有舊佛刹土功德莊嚴諸瓔珞等此佛刹中所有地際皆琉璃成平整如掌大因陀羅紺色金剛為佛刹中出最上微妙莊嚴寶花阿輸歌林名菩提樹王七寶所成有雜妙色此菩提樹王高無邊恒河沙佛刹微塵世界縱廣正等彼菩提王種種妙寶以為花葉果實枝柯師子无罽摩尼雜寶以為莊嚴毗琉璃赤真珠貫鈴網繒綵彼菩提樹出電光焰不斷不絕或放金光或摩尼光或因陀羅紺光或頗梨光或曰寶光或月寶光彼菩提樹王出最妙香所謂沉水香多伽羅香黑沉水香多摩羅跋香黑梅檀香龍梅檀香牛頭梅檀等香香氣出時遍彼佛刹其菩提樹王出歌讚聲或雨寶雨遍諸世界彼菩提樹下於其東面出生大池七寶所成清淨无濁名曰

摩訶菩提池王深无边恒河沙等三千大千微塵等世界縱廣正等以閻浮檀金沙布底八功德水具足盈滿池四方面各四階道眾寶所填種種雜寶欄楯具足彼池水中出大蓮花名善開敷菩提蓮花相王七寶所成縱廣無邊恒河沙等三千大千微塵等世界七寶所作復有百千億那由他无量無邊諸寶蓮花周匝圍遶眾妙七寶莊嚴為茶柔軟妙香令人愛樂其蓮花王臺上出菩提華王名無邊寶嚴飾七寶所成高阿僧祇恒河沙等三千大千微塵數等世界縱廣正等彼寶嚴飾菩提華王所有服飾寂勝寂多上中之上彼寶莊嚴殿中所有服飾所有莊嚴及神通力百分千分百千億分不及其一譬如螢火在日光前其明隱翳如是如是寶莊嚴殿在无边寶嚴飾菩提華王前時全不復現如是種種無量无边莊嚴瓔珞所有服飾神通莊嚴及以光明能令一切日月光明悉不能照無有精光一切帝輝光一切梵天光一切

首陀會天光於彼無邊寶嚴飾菩提華王前所有若明若光若精若照者无有此事於彼華中出摩訶菩提師子座王名善照無導師子莊嚴七寶所成光色无等眾事具足迦尸迦天衣以覆其上高百億恒河沙等微塵等世界縱廣正等釋迦牟尼即便坐彼師子座上轉名無垢威功德師子月光毗盧遮那藏琉璃幢圓通光相功德威聚日月智光王如來大身正等如百億恒河沙佛刹微塵數三千大千世界等一切身分皆悉具足滿三十二大人之相八十種好莊嚴其身頂背輪光莊嚴其頭不可見頂其身清淨譬如日月照鏡中光彼如來身亦復如是无有肉血及以骨髓非因父母歌羅邏時其身化生清淨如彼閻浮檀金及淨琉璃因陀羅寶紺光等色彼如來身清淨如是無有一切微細習氣彼佛世尊眾相具足一切智師諸法自在度於彼岸无上等覺寂勝大慈是寂大人師子丈夫已得漏盡堅金剛身百福德聚具足十

力及四無畏十八不共法正師子吼壽命无量清淨佛刹成道自在光明自然無量无边菩薩之眾前後圍遶彼諸菩薩各各身皆得具足在寶樹下於彼池中蓮華輦上坐師子座其身相稱菩薩各各而自在嚴猶如如來莊嚴具足如是佛刹功德嚴淨身清淨眾清淨劫名无边際莊嚴摩訶劫王其劫清淨若欲說此廣大佛刹及佛行者無有是處若如是覺名為如來住佛初地
尔時世尊告海妙深持自在智通菩薩摩訶薩言善丈夫汝見如來神通智不海妙深持自在智通菩薩言見也世尊見也如來佛言善丈夫此是佛之初地名甚深難知廣明智德善丈夫汝今當知有正真願莊嚴功德相一蓋震聲主威王如來寶德明徹嚴功德身相淨如來不動離難光明如來有神通力蓮華生功德威相勝瓔珞摩尼王如來在喜樂刹中天人尊重復有阿彌陀如來蓮華開敷星王如來龍主王如來寶德如來有

同性經卷下 第二十五方
 如是等淨佛刹所遊者彼諸如
 來得初佛地如來在此地中作是神
 通如我今日神通無異海妙深持自
 在智通菩薩復問佛言世尊若有五
 濁刹中諸佛如來現得道者當成道
 者而彼世尊現得當得如來地不佛
 言善丈夫若諸佛菩薩能現善巧方
 便者得所以者何為諸眾生起大慈
 心見諸眾生閉在三有稠林之中是
 諸眾生無明闇中愛網所覆信其不
 淨顛倒邪見无量諸苦臨三惡岸輪
 迴六道煩惱展轉無有前際不知本
 際彼諸眾生不知諸佛及諸佛法諸
 菩薩法亦不如實知諸解脫善丈夫
 諸佛菩薩如是知彼一切眾生多受
 諸苦善丈夫今時應佛出現五濁世
 界或兜率下入胎住胎初生及長宮
 中喜樂出家苦行向於道場降魔成
 佛轉大法輪與諸外道共論議時依
 法降伏傲慢眾數乃至促壽現大涅
 槃入涅槃已三昧力故顯現自身分
 布舍利大如芥子天龍人非人等生
 其喜心為供養故造作无量百千億

同性經卷下 第二十三方
 那由他諸舍利藏或有於彼法中出
 家修持苦行或為菩提而作種子度
 於煩惱有海彼岸善丈夫一切諸佛
 有如此法令無量无边諸眾生等度
 於煩惱有海彼岸善丈夫汝今當知
 若五濁世中如來所現神通之力皆
 佛應化或諸菩薩神通力故善巧方
 便便化所出海妙深持自在智通菩
 薩復問佛言世尊佛身幾種佛言善
 丈夫略說有三何等為三一者報二
 者應三者真身海妙深持自在智通
 菩薩復問佛言世尊何者名為如來
 報身佛言善丈夫若欲見彼佛報者汝
 今當知如汝今日見我現諸如來清
 淨佛刹現得道者當得道者如是一
 切即是報身海妙深持自在智通菩
 薩復問佛言世尊何者名為如來應
 身佛言善丈夫猶若今日踊步捷如
 來魔恐怖如來大慈意如來有如是
 等一切彼如來穢濁世中現成佛者
 當成佛者如來顯現從兜率下乃至
 住持一切正法一切像法一切末法
 善丈夫汝今當知如是化事皆是應

同性經卷下 第二十四方
 身海妙深持自在智通菩薩復問佛
 言世尊何者名為如來法身佛言善
 丈夫如來真法身者無色无現無著
 不可見无言說無住處无相無報无
 生無滅无譬喻如是善丈夫如來不
 可說身法身智身無等身无等等身
 毗盧遮那身虚空身不断身不壞身
 无边身至真身非虛假身无譬喻身
 是名真身海妙深持自在智通菩薩
 復問佛言世尊若諸佛真體無色无
 現乃至不可說不可說者豈非断相
 也佛言善丈夫於汝意云何虚空界
 者可有断絕及有相不海妙深持自
 在智通菩薩答言世尊虚空界者不
 可断絕亦無有相世尊何以故若虛
 空界有断絕者彼虚空界不名无尋
 世尊虚空界无有相處聚處邊處色
 處及以物處是故世尊彼虚空界不
 可断絕非是有相世尊是虚空界遍
 一切處佛言善哉善哉善丈夫如是
 如是善丈夫如來真實身無有断絕
 亦无有相何以故善丈夫若如來真
 實身有断絕者亦無佛出及現无边

神通之力若有相者即有聚處及以處所可執可捉一切凡夫悉皆一時即得成佛不應依時而有次第善丈夫是故如來真實之身非可斷絕亦非有相惟是普為一切衆生作其佛事海妙深持自在智通菩薩復問佛言世尊供養如來真身報身及以應身所得福業何者最多佛言善丈夫若供養一如來身即是供養一切佛身何以故善丈夫一切光明能破諸闇普使得明而此光明不共闇住如是如是善丈夫若有各各供養如來身者所造福業能破一切是無明闇開解脫明路亦復不共諸闇障住海妙深持自在智通菩薩復白佛言世尊唯願顯現第二佛地佛言善丈夫汝能見不海妙深持自在智通菩薩言世尊我於今者欲依相見今時世尊一毛孔中即放光明名无相照乃至不可說不可說諸佛刹所有諸色一切除滅今時世尊問彼一切菩薩衆言汝等今者有何所見諸菩薩言世尊都无所有惟見光明佛言諸善

丈夫汝等見此光明何似諸菩薩言世尊我惟遍見無量百千億那由他恒河沙微塵等諸佛刹一大光明今時世尊還攝光明佛刹如舊如是安住是時世尊告一切諸菩薩衆言如來若說第二佛地汝等一切尚難知聞何況得見如來三地乃至十地善丈夫譬如日月光明與一切衆生作大利益彼日月力令衆生知有一日半日一月半月乃至一年及以時分衆生不能分別見彼日月色身汝等惟見光輪形相如是如是如來至真等正覺一切衆生作大利益是如來力令彼衆生得知諸法若罪若福若世間若出世間若有漏若无漏知諸法已彼如實證得度一切諸有曠野彼諸衆生不能分別得見如來報身色相惟觀神通力用應化之形是故汝等應如是知如來諸地出過於一切音聲語言惟有名字而可說耳今時海妙深持自在智通菩薩摩訶薩白佛言世尊誰是迴度一切惡道佛言善丈夫若有於此一切佛智行

入毗盧遮那藏甚深如來十地大乘同性經典聞已生信信已受持讀誦書寫若教他書廣為人說乃至受持此經典名善丈夫所有應墮諸惡道者即皆得度菩薩復問佛言世尊誰是發菩提心者佛言善丈夫若能受持如此經典乃至受持名字者是菩薩復問佛言世尊誰是行菩薩行者佛言善丈夫若有受持此經者是菩薩復問佛言世尊誰是速滿具足六波羅蜜者佛言善丈夫若能受持此經典者是菩薩復問評言世尊誰是當得值如來者佛言善丈夫若有能聽此經典者是菩薩復問佛言世尊誰是值佛得授記者佛言善丈夫持此如來秘密者是菩薩復問佛言世尊誰是為諸衆生作大商主佛言善丈夫若有持此如來奧藏者是菩薩復問佛言世尊誰是佛子佛言善丈夫有能信此經典者是菩薩復問佛言世尊誰是當得一切菩薩地佛言善丈夫有能聽此經典者是菩薩復問佛言世尊誰是得一切諸佛法者

同性經卷下 第七十八段 方

佛言善丈夫有能供養此妙法明者是菩薩復問佛言世尊誰是知聲聞辟支佛法而不取彼涅槃佛言善丈夫有能受此妙法藏者是菩薩復問佛言世尊云何名此經我等云何奉持佛言善丈夫此經名為大乘同性亦名說一切佛智行入毗盧遮那藏如是受持今時世尊而說偈言

欲覺佛菩提無上勝精進欲轉聖无漏難思智法輪若欲達法幢欲打於法鼓欲得然法燈欲得吹法壘欲得智明照欲滅愚癡闇欲集諸眾生安立菩提智欲降伏魔軍供養一切佛欲照諸世間尊勝妙清淨不染世諸法欲得无漏智行行利眾生欲生清淨刹教寫聽授持如是妙經寶為令通佛地讀誦及宣揚

余時世尊說此經已海妙深持自在智通菩薩摩訶薩并及一切諸菩薩眾聞佛所說歡喜奉行

大乘同性經卷下

癸卯歲高麗國大藏都監奉
勅彫造

大乘同性經卷下

校勘記

- 一 底本，麗藏本。
- 一 三九九頁上九行第八字「地」，**磧**、**普**、**南**、**徑**、**清**作「池」。
- 一 三九九頁中二二行第八字「刃」，**磧**、**普**、**南**、**徑**、**清**作「仞」。
- 一 三九九頁下二行第一〇字及同頁下三行第三字「榻」，**磧**、**普**、**南**、**徑**、**清**作「塔」，下同。
- 一 三九九頁下二〇行第一三字「陂」，**磧**、**普**、**南**、**徑**、**清**作「彼」。
- 一 四〇〇頁上一五行「加跌」，**磧**、**普**、**南**、**徑**、**清**作「跏趺」。
- 一 四〇〇頁上二二行第一三字「寶」，**磧**、**普**、**南**、**徑**、**清**作「貫」。
- 一 四〇〇頁上二二行第三字「綵」，**磧**、**普**、**南**、**徑**、**清**作「束」。
- 一 四〇〇頁下二二行末字「最」，**磧**、**普**、**南**、**徑**、**清**作「是」。
- 一 四〇一頁中九行第一一字「得」，**磧**、**普**、**南**、**徑**、**清**作「復」。
- 一 四〇一頁下三行第一〇字「楯」，**磧**、**普**、**南**、**徑**、**清**作「熏」。
- 一 四〇一頁下九行第二字「千」，**磧**、**普**、**南**、**清**作「百千」。
- 一 四〇一頁下一五行第六字「疊」，**磧**、**普**、**南**、**徑**、**清**作「疊」。
- 一 四〇一頁下二〇行末字「刹」，**磧**、**普**、**南**、**徑**、**清**作「刹土」。
- 一 四〇二頁上七行「安庠」，**磧**、**普**、**南**、**徑**、**清**作「安詳」。
- 一 四〇二頁中一四行第一二字「拘」，**磧**、**普**、**南**作「俱」。
- 一 四〇二頁中一八行末字「主」，**磧**、**普**、**南**、**清**作「生」。
- 一 四〇二頁中二二行第九字「踝」，**磧**、**普**、**南**、**徑**、**清**作「踝」。
- 一 四〇二頁中二二行首字「拍」，**磧**、**普**、**南**、**徑**、**清**作「指」。
- 一 四〇二頁下一二行「菩薩」，**磧**、**普**、**南**、**徑**、**清**作「諸菩薩」。
- 一 四〇三頁上三行第一一字「地」，

一 四〇三頁上七行第六字「示」，
〔磧、普、南、徑、清〕無。

一 四〇三頁上一九行末字「受」，〔磧、普、南、徑、清〕作「亦」。

一 四〇三頁中七行第一、三、七字
「踊」，〔磧、普、南、清〕作「涌」。

一 四〇三頁中一九行第六字「蓋」，
〔磧、普、南、清〕作「善」。

一 四〇四頁上二〇行「明地」，〔磧、普、南、徑、清〕作「發光地」。

一 四〇四頁中一五行第一一字「及」，
〔磧、普、南、徑、清〕作「令」。

一 四〇四頁中一八行末字「王」，〔徑、清〕作「土」。

一 四〇四頁下一行「槃石」，〔磧、普、南、徑、清〕作「磐石」。

一 四〇四頁下一二行「菩提」，〔磧、普、南、徑、清〕作「菩提樹」。

一 四〇五頁中九行末字「相」，〔磧、普、南、徑、清〕作「明」。

一 四〇五頁中一四行第二字「頂」，

〔磧、普、南、清〕作「項」。

一 四〇六頁中八行第二字「便」，〔磧、普、南、徑、清〕作「應」。

一 四〇六頁中一八行第一三字「捷」，
〔磧、普、南、徑、清〕作「健」。

一 四〇六頁中二二行第一三字「末」，
〔磧、普、南、徑、清〕作「滅」。

一 四〇六頁下四行第一三字「報」，
〔磧、普、南、徑、清〕作「執」。

一 四〇七頁中二二行第九字「迴」，
〔磧、普、南、清〕作「過」。

一 四〇七頁下一二行第九字「訊」，
〔磧、普、南、徑、清〕作「佛」。

一 四〇七頁下一五行第六字及下頁
上一五行第一四字「授」，〔磧、普、南、徑、清〕作「受」。

一 四〇八頁上一二行第七字「集」，
〔磧、普、南、徑、清〕作「奪」。

一 四〇八頁上末行首字「大」，〔徑、清〕作「佛說大」。